



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXII.

21. Aprilis. 11. Cal. Maij.


urn:nbn:de:hbz:466:1-45295

Fiducia
in viri-
bus
Gratia. *aliud esse de te cœli iudicium compro-
bâssent. Seu te modò Josephum, seu Hil-
degundem vocari convenit, virilem tuum
in meis laboribus animum à te efflagito; ut
in viribus gratiæ magis, quàm naturæ,
confisus, discam exemplo tuo, infirmitatem
non esse impedimentum, sed adiumentum
virtutis.*

S. BERNARDUS, ser. 29. in Cant.

Carnis
infrir-
mitas,
est ro-
bur spi-
ritûs.

Quando enim infirmor, tunc
potens sum, & fortis. [2. Cor. 12.]
*Vides, quia carnis infirmitas robur
spiritûs augeat, & subministret vires?
Ita è contrario noveris; carnis forti-
tudinem, debilitatem spiritûs operari.*



21. Aprilis. II. Cal. Maij.

Obijt
anno
1163.

B. FASTRADE, Caput, ac Superior
Ordinis in ferie VII. Qui ante Re-
ligionis ingressum, virium tuarum, ex
tenera educatione (ut mos est nobilli-
um) tibi de perseverantia suspectatum
capturus experimentum; tuas ipsemet
tyro, te in omni austeritatum mona-
sticarum genere exercuisti. Inde ad se-
riam probationem à S. BERNARDO
post multas preces receptus, tam celeri
pro-

profectu ejus institutionibus respondi-
 sti; ut te ad natale solum Belgij remis-
 sum, cœnobio Camberonensi præfere-
 rit. Ubi noviter erecta, tam ædificij,
 quàm disciplinæ fundamenta, felicissi-
 ma dexteritate ad fastigium provexi-
 sti: fortunas suas in sinum tuum effun-
 dere gestiente quolibet, qui vel semel
 tui aspectu fruebatur. Spirabat enim
 majestatem, humanâ majorem, cor-
 poris concinna proceritas: gemina o-
 culorum sidera ex quodam angelicæ
 frontis cœlo micabant; vigore suo la-
 tentem in animo magnitudinem, &
 lenitate supercilij, columbinam sim-
 plicitatem repræsentantia. Addebat
 his gratiam eloquij suavitas, cum fa-
 cundia nō minùs gravi, quàm diserta:
 morum denique comitas, & congrua
 tuæ dignitati, & inclinata ad humilem
 modestiæ religiosæ candorem. Raptò
 interim ad superos Roberto, qui ma-
 gno BERNARDO subrogatus fuerat,
 ad Claramvallem cum cæteris Electo-
 ribus vocatus es: sed, ne in te suffragia
 convenirent (nec vana fuit formido)
 veritus, tamdiu in Asceterio Carthusi-
 ano delituiisti; donec cœli quoque ju-
 dicio coactus es decretam per concor-
 dia vota præfecturam suscipere. Ipsa
 siquidem Electorum Regina Mater,
 N 7 Virgi-

*Insi-
 gnes
 naturæ
 dotes.*

*Later,
 ne Ab-
 bas eli-
 gatur:*

*B. V. illi
Clare-
vallis
filios,
ut suos
comen-
dat.*

Virgineum Uteri sui partum brachijs tuis per visum imponens: *Accipe, ad-*

junxit, filium meum, & serva mihi illum.

Magna utriusque partis dignatio! tua quidem, cui Mater Augustissima vel

Filium crederet: Clarævallensium ve-

rò, quos eodem amoris & gratiæ loco, quo filium haberet; illis nimirum tibi

sub hujus persona commendatis. Vix quatuor annis imperaveras. Claræval-

li; cùm te universus sacer Ordo Patrem salutavit. Hic laborum messem, gran-

*Laborè
pro Ec-
clesia,
& Or-
dine
sustinet
indefes-
sus.*

di animo tuo dignam sortitus, totum te communi bono, non Ordinis solius, sed orbis Christiani, impendisti. Præ-

ter alia negotia à Christi Vicario tibi commissa, ad Fridericum Imp. missus,

tanta pollebas auctoritate; ut, cùm a-

lij. ejusmodi Legatis durus, te velut è cœlo missum Pacis Angelum, fuerit

reveritus. Neque his laboribus metam posuisses, nisi eorum cursum inhibuisset

mortis imperium: quam Parisijs inter manus Alexandri III. tunc ibidem

*Extre-
mam
Unctio-
nem à
S. Pöt.
accipit.*

commorantis, & extremæ Unctionis beneficium tibi impertientis, suaviter

oppetijsti. Quæ, dum Parisijs agebantur, beatus Petrus Tolosanus ex te, sibi

per visum præsentem, eâdem, quâ contigere, horâ cognovit in Claravalle, licet

plusquam triginta milliaribus ab-

sens

sens. *Duplex sacra unctionis beneficium à te mihi cœlitus impetrari precor: nunc ut Deus ungat animam meam unctione misericordie suæ, qua sanetur à languoribus suis: deinde ut hinc migraturus dignè suscipiam hoc Sacramentum, induar que fortitudine ad reportandam in ultima lucta victoriam.*

Unctio
animæ
duplex.

B. HENRICE, Hemmenrodensis Circa
monache: qui cùm horrore austerita-
tis, in proposito suscipiendi Ordinis
vacillares; ab Angelorum Regina con-
firmatus (quam in choro deambulan-
tem, & psallentibus suaviter annuen-
tem vidisti) per arduam virtutum semi-
tam, ad perfectionis, ac tandem cœle-
stis beatitudinis, culmen ascendisti. E-
tiam ego frequenter panico hoc metu con-
cutior, qui modò vigiliis, modò abstinen-
tiam, aliòsque observantiæ regularis labo-
res, mihi tædiosos facit & graves. Tu ad
me excitandum, consolationem illam mihi
de cœlis ostende, quæ laborem hunc hilari-
ter exantlatum consequetur.

Tædiū
in labo-
ribus
fugien-
dum

B. MARIA, Lorvaniensis mona-
sterij Conversa: quæ lustratis devotè
terris, quas Servatoris nostri vestigia
quondam sacraverant, Cisterciensi In-
stituto mancipata, Marthæ sollicitudi-
nem in laboribus, & Mariæ pietatem,
orationum frequentiam, magno utrim-
que

Circa
annum
1500.

Mortis
genus
optabi-
le.

que fervore, fuisti imitata. Extremis autem proxima, flexis humi genibus, oculis, manibusque in cœlum erectis, sacrosanctum Viaticum tenerrimo divini amoris sensu suscipiens, innocentem animam efflâsti; multis statim ab obitu miraculis tua in cœlo merita manifestantibus. *Deduc & me in terram*


Imita-
tio
Christi.

Promissionis: ostende mihi Christi vestigia, id est sanctissimam illius vitam, quam eo fervore studeam imitari, quem à me vocatio, & si eam consequi voluero, æterna salus requirit.

S. BERNARDUS, ser. 22. in Cant.

Benefi-
ciji suis
Christ^o
invitat
nos ad
sui imi-
tationē

Quid tibi Christus debuit facere, & non fecit? Illuminavit cæcum, solvit vincitum, reduxit erroneum, reconciliavit reum. Quis non post illum libenter, atq; alacriter curret; qui & ab errore liberat, & errata dissimulat: qui deinde merita vivendo tradit, præmia moriendo conquirat?



22. Aprilis. 10. Cal. Maij,

Obijt
anno
1125.

BALDEBERTE: qui à sancto Patriarcha BERNARDO, tanquam iudicij sui limâ satis probatę sanctimonie